

YSGOL GYNRADD ABERLLYDAN

Buddsoddiad gwerth £2.54 miliwn i ailfodelu'r ysgol 3-11 oed presennol ac adeiladu estyniad ar gyfer y blynyddoedd cynnar.

Ysgol Gynradd Aberllydan oedd ysgol gyntaf yr Awdurdod Lleol i gael ei chwblhau o dan raglen ariannu Ysgolion yr 21ain Ganrif Llywodraeth Cymru.

Prif resymau'r cynllun, a'i fanteision, oedd:

- cynnig amgylchedd addysgu modern a fyddai'n cydymffurfio'n llwyr â safonau addysgol presennol;
- rhoi cyfle i blant o dan 4 oed gael profiad o gwricwlwm priodol i oedran yn yr ysgol, yn rhan-amser;
- cynnig amgylchedd dysgu addas i ddisgyblion y Blynyddoedd Cynnar a'r Cyfnod Sylfaen;
- cynyddu nifer y lleoedd yn yr ysgol o 127 o ddisgyblion (cyfwerth ag amser llawn) i 150 o ddisgyblion (cyfwerth ag amser llawn a rhan-amser) ar y gofrestr;
- cynnig amgylchedd dysgu a oedd yn bodloni gofynion Ysgolion yr 21ain Ganrif, a oedd yn hyblyg ac yn gadarn i gefnogi newid yn y dyfodol;
- ehangu ardaloedd chwarae tu allan yn unol â safonau presennol a gwella mynediad allanol a chyfleusterau parcio;
- mynd i'r afael â'r gwaith cynnal a chadw sy'n aros i'w wneud a phroblemau addasrwydd yn yr ysgol bresennol.

Cyflawnwyd y prosiect adeiladu fesul tri cham dros 12 mis, gyda'r tîm adeiladu'n gweithio o gwmpas yr ysgol bresennol a oedd ar agor ac yn parhau i ddarparu addysg yn yr adeiladau gwreiddiol yn ystod cam cyntaf y gwaith adeiladu, cyn symud i'r estyniad newydd ar gyfer y ddau gam olaf. Yn y trydydd cam, cafodd hen foc y ffreutur o'r 40au ei ddymchwel a gosodwyd wyneb newydd i'r ardal chwarae a'r lle parcio.

Mae'r lle yn yr estyniad newydd yn cynnwys Uned y Blynyddoedd Cynnar a Derbyn, tair ystafell ddosbarth newydd, ardaloedd ategol a chegin fasnachol newydd. Mae'r rhan o'r ysgol sydd wedi'i hadnewyddu yn cynnwys ystafell ddosbarth arall, llyfrgell, ystafell i grŵp bach, ardal adnoddau, prif neuadd, toiledau ac ardaloedd i'r staff. Y tu allan, mae'r cyfleusterau'n cynnwys ardaloedd chwarae i'r blynyddoedd cynnar, ardaloedd adrodd stori, ystafell ddosbarth awyr agored ac arwynebau caled a meddal ar gyfer chwarae. Symudwyd ardaloedd gwasanaeth, parcio a danfoniadau i'r tu allan i'r ffin ddiogel ar ochr ogleddol y campws.

GWYBODAETH ALLWEDDOL	
LLEOLIAD	Aberllydan, Hwlfordd, SA62 3JT
CATEGORI	Cymunedol
TREFNIADAU DERBYN	Cyngor Sir Penfro fydd yr Awdurdod Derbyn ar gyfer yr ysgol newydd. Bydd polisi derbyn y Cyngor a meini prawf ar gyfer sefyllfaoedd pan fydd nifer y ceisiadau yn fwy na nifer y lleoedd sydd ar gael yn berthnasol. Bydd yr ysgol newydd yn derbyn bechgyn a marched ac ni fydd darpariaeth ar gyfer dewis ar sail doniau na gallu.
RHIF DERBYN	17
YSTOD OEDRAN	3-11
CAPASITI – LLAWN AMSER	122
NIFER Y LLEOEDD MEITHRIN	17 llawn amser
CATEGORI IAITH	Cyfrwng Saenseg (CS)
TRAFNIDIAETH YSGOL	Bydd y trefniadau cludiant yn cydymffurfio â'r gyfraith a pholisi'r Cyngor Sir.

GWYBODAETH YR ADEILADU
PENSAER: Cyngor Sir Penfro – mewnol
CONTRACTWR: Andrew Scott Cyf.
COST: £2.54 miliwn
DYDDIAD CWBLHAU: Medi 2015